

烏壘戶百一十口千二百勝兵三百人城都尉譯長各一人與都護同治其南三百三十里至渠犂

渠犂城都尉一人戶百三十口千四百八十勝兵百五

十人東北與尉犂東南與且末南與精絕接西有河至龜茲五百八十里自武帝初通西域置校尉屯田渠犂

是時軍旅連出師行三十二年海內虛耗征和中貳師

將軍李廣利以軍降匈奴上旣悔遠征伐而搜粟都尉

桑弘羊與丞相御史奏言故輪臺以東○宋祁曰舊本以東有以字元

祐考異及越本無以字當除之捷枝渠犂皆故國地廣饒水草有漑田

五千頃以上處溫和田美可益通溝渠種五穀與中國